



ALVER KONTROLLUTVAL

MØTEUTSKRIFT SAK 64/22: FORVALTNINGSREVISJON BARNEVERN – MANDAT ETTER VEDTAK I SAK 107/22 INNBYGGARFRAMLEGG TIL KOMMUNESTYRET

Til Alver kommunestyre

Kontrollutvalet har i møte 31.10.2022 handsama sak 64/22 med følgende vedtak:

1. Med bakgrunn i Alver kommunestyre sitt vedtak i sak 107/22 bestiller kontrollutvalet ein prosjektplan for eit forvaltningsrevisjonsprosjekt av barnevernet frå revisor KPMG.
2. Forvaltningsrevisjonen bør ha fokus på hjelpetiltak/tidleg innsats, akuttvedtak, tilbakeføringsplanar og rutinar og handtering av bekymringsmeldingar.
3. Revisor tek også med seg innspel etter kontrollutvalet si drøfting av saka i arbeidet med prosjektplanen.
4. Forvaltningsrevisjonen skal gjerast innafor dei økonomiske rammene som kontrollutvalet har spelt inn til kommunestyret gjennom sitt framlegg til budsjett for kontrollutvalet for 2023.
5. Prosjektplanen skal leverast til kontrollutvalssekretariatet 7.11.2022 med planlagt handsaming i kontrollutvalsmøtet 21.11.2022.

Saka vert sendt til kommunestyret til orientering.

Utskrift av protokoll og saksframlegg ligg under.

64/22 FORVALTNINGSREVISJON BARNEVERN – MANDAT ETTER VEDTAK I SAK 107/22
INNBYGGARFRAMLEGG TIL KOMMUNESTYRET

SEKRETARIATET SITT FRAMLEGG TIL VEDTAK

1. Med bakgrunn i Alver kommunestyre sitt vedtak i sak 107/22 bestiller kontrollutvalet ein prosjektplan for eit forvaltningsrevisjonsprosjekt av barnevernet frå revisor KPMG.
2. Forvaltningsrevisjonen bør ha fokus på hjelpetiltak/tidleg innsats, akuttvedtak, tilbakeføringsplanar og rutinar og handtering av bekymringsmeldingar.
3. Revisor tek også med seg innspel etter kontrollutvalet si drøfting av saka i arbeidet med prosjektplanen.
4. Forvaltningsrevisjonen skal gjerast innafor dei økonomiske rammene som kontrollutvalet har spelt inn til kommunestyret gjennom sitt framlegg til budsjett for kontrollutvalet for 2023.
5. Prosjektplanen skal leverast til kontrollutvalssekretariatet 7.11.2022 med planlagt handsaming i kontrollutvalsmøtet 21.11.2022.



BEHANDLING I MØTET

Kontrollutvalet drøfta rammer for, føremål, problemstillingar og kriterium for bestillinga av ein prosjektplan for forvaltningsrevisjon av barnevernet.

Forvaltningsrevisor Sindre R. Dueland, KPMG, orienterte om moglege rammer og kriterium for ein slik revisjon, og gav innspel og svarte på spørsmål frå kontrollutvalet.

Stikkord frå drøftinga:

- Mål: Sjå om Alver kommune gjer den jobben dei er sett til å gjere innafør barnevern, herunder korleis dei føl opp nye lovverk.
- Eksempel på ting som kan sjåast på:
 - Rutinar og handtering av plassering av barn, samvær og tilbakeføring.
 - Gjennomføring/rutinar rundt akuttvedtak.
 - Barnet sine rettar.
 - Kommunikasjon og samarbeid - Møter/kontakt med foreldre.
 - Korleis dagens rutinar vert etterfølgt i praksis.
 - Ynskjer at det vert sett på rutinar rundt både undersøkelsesaker, tiltakssaker og plasseringssaker.
- Nokre av revisor sine avklaringar på kva forvaltningsrevisjonen kan gå inn på, og ikkje gå inn på:
 - Sjå på systema i Alver kommune, kan ikkje sjå på systema i dei gamle kommunane.
 - Stikkprøvar på 5-10% av dei opne sakene i kommunen, og sjå på sakshandsaminga i desse på systemnivå/overordna. Her kan saker som er oppstått i dei gamle kommunane bli sett på, men sakshandsaminga i dei før Alver kommune vart etablert vert ikkje vurdert.
 - Revisor får tilgang til dei henvendingane som er komne inn om barnevernssaker, for å sjå overordna på om desse kan peika på systemsvikt på overordna nivå.
 - Revisjonen vil ikkje innehalda gransking av enkeltsaker, men sjå på overordna system.

Sekretariatet sitt framlegg til vedtak vart einstemmig vedteke.

VEDTAK

1. Med bakgrunn i Alver kommunestyre sitt vedtak i sak 107/22 bestiller kontrollutvalet ein prosjektplan for eit forvaltningsrevisjonsprosjekt av barnevernet frå revisor KPMG.
2. Forvaltningsrevisjonen bør ha fokus på hjelpetiltak/tidleg innsats, akuttvedtak, tilbakeføringsplanar og rutinar og handtering av bekymringsmeldingar.
3. Revisor tek også med seg innspel etter kontrollutvalet si drøfting av saka i arbeidet med prosjektplanen.
4. Forvaltningsrevisjonen skal gjerast innafør dei økonomiske rammene som kontrollutvalet har spelt inn til kommunestyret gjennom sitt framlegg til budsjett for kontrollutvalet for 2023.
5. Prosjektplanen skal leverast til kontrollutvalssekretariatet 7.11.2022 med planlagt handsaming i kontrollutvalsmøtet 21.11.2022.



SAKSOPPLYSNINGAR

Alver kommunestyre gjorde følgende vedtak i sak 107/22 den 22.09.2022:

Kommunestyret ber om at kontrollutvalet gjennomfører ein forvaltningsrevisjon av barneverntenesta i Alver kommune. Forvaltningsrevisjonen må skje innanfor kontrollutvalet si eksisterande budsjettamme.

Kommunestyret ber om at kontrollutvalet utarbeider eit mandat til forvaltningsrevisjonen, med fokus på hjelpetiltak/tidleg innsats, akuttvedtak, tilbakeføringsplanar og rutinar og handtering av bekymringsmeldingar.

Sakspapira frå kommunestyrehandsaminga ligg ved saka, og kan lesast digitalt her: [Dokument 22/65049 - Innbyggjarframlegg: Vi ber om ein Forvaltningsrevisjon av at lovverket blir, og har blitt følgd opp i Alver og tidlegare kommunane Lindås, Meland og Radøy \(sing.no\).](#)

I kontrollutvalsmøtet 26.09.2022, då det vart opplyst om kommunestyret sitt vedtak under sak 52/22 «Møteprotokollar frå politiske utval,» kom det opp ynskje om at kontrollutvalet kunne få gamle revisjonsrapportar om barnevern frå dei gamle kommunane. Difor ligg det ved ein rapport frå Meland frå 2016 og ein frå Radøy frå 2017, samt ei oppfølgings sak frå Meland kontrollutval frå 2018 til orientering.

Kontrollutvalet skal i møtet bestille ein prosjektplan frå revisor om ein forvaltningsrevisjon. Det er lagt opp til at kontrollutvalet skal drøfte føremål og problemstillingar for ein slik forvaltningsrevisjon i møtet. Kontrollutvalet er sjølv ansvarlege for å gjere ei god bestilling, men forvaltningsrevisor frå KPMG, Sindre R. Dueland, er invitert til å ta del i møtet og gje tips, råd og innspel til kontrollutvalet i drøftingane om føremål, problemstillingar og kriterium.

Sekretariatet si vurdering:

Bestillinga av prosjektplan bør søke å så godt som råd svare på kommunestyret sitt vedtak i sak 107/22. Kontrollutvalssekretariatet føreslår difor eit framlegg til vedtak basert på dette.

Kontrollutvalssekretariatet vil oppfordre kontrollutvalet tid å bruke god tid på å drøfte forventningsavklaringar til kva ein forvaltningsrevisjonsrapport kan gi svar på, med omsyn til den store interessa for saka, og at fleire enkeltsaker som har starta mange år tilbake er meldt inn til kontrollutvalet. Revisor er oppmoda om å særleg løfte fram kva kriterium som kan vera moglege å måla barnevernet sitt arbeid opp mot, samt å bidra til å avklare om ein revisjon kan sjå på system tilbake i tid, eller om ein må avgrense revisjonen til å sjå på dagens reglement og system og korleis dette vert følgd opp i dag.